

- Nakon toga smo napisali pismo, jer je vrijeme da neko ovom menadžmentu kaže da nismo budale i da se na ovome neće stati kao u slučaju zamjene učiteljica na godišnjem nivou, uništavanja zelene površine zbog gradnje improviziranog parkinga, zabrane ulazaka učenicima na glavni ulaz zgrade, plaćanja zaštitara iz džepa roditelja koji ne radi svoj posao, uništenih toaleta... Ove učiteljice su svojim učenicima našu djecu predstavile kao nešto najgore a menadžment škole to nije želio osuditi.

U nastavku možete pročitati dopis koji su roditelji dostavili na adresu Ministarstva, OŠ Lukavac Grad i Kabineta načelnika Općine Lukavac.

Roditelji II-5 OŠ Lukavac Grad
Prestavnik roditelja II-5, Amra Brkić

Ministarstvo obrazovanja,
nauke, kulture i sporta TK
n/r Ministra
Muhameda Hevajja Uskufija br.1
75000 Tuzla

Predmet: Dopis povodom diskriminacije učenika II5 OŠ Lukavac Grad

Broj: 03-371/17
Datum: 17.05.2017

Poštovani g-din Muratović,

Obraćamo Vam se sa molbom da poduzmete adekvatne mjere shodno situaciji koja se desila 12.maja 2017 godine u ulici Branilaca Bosne, u blizini OŠ Lukavac Grad.

Naime, kao što Vam je poznato, od strane menadžmenta škole organizovan je izlet u Tuzlu, te posjeta pozorištu u skladu sa planom i programom.

Roditelji su bili uredno obaviješteni od strane učiteljice II-5 i finansijski uredno podmirili svoju obavezu. Dana 12.5.2017. godine, tačnije u petak, roditelji su doveli svoju djecu u ulicu Branilaca Bosne tj. na mjesto polazišta, odakle je planiran polazak u 9.30 sati i sačekali da ih isprate.

Međutim, dolazi do problema koji se ogledaju u netrpeljivosti između koleginica-učiteljica ispred samog autobusa i na centralnoj ulici pred očima roditelja i djece.


Odjeljenje (II - 5) sa našom djecom je planirano biti u istom autobusu sa učenicima II -2 i II-4, kažemo da je trebalo, sve dok učiteljice iz tih odjeljenja: Meldina Burgić Subašić i Nermina Avdić nisu odbile da sa učenicima svojih razreda uđu u autobus. Naša djeca su nakon toga praktično izbačena iz autobusa i prebačena u drugi autobus sa više mjesta, međutim, već spomenute učiteljice i dalje ne žele da uđu u autobus.

Zamjenik direktorice OŠ Lukavac Grad, Alme Avdić, Nedim Osmanović moli učiteljice Meldinu Burgić Subašić i Nerminu Avdić, ali one ne žele da uđu u autobus uz obrazloženje da njihova djeca neće biti sa našom djecom i našom učiteljicom Alisom Bačić u autobusu, bez obzira što idu u istu školu pod istim krovom.

U prepirkama, ubjeđivanju i moljenju od strane roditelja prošlo je više od sat i pol (90 minuta) vremena pa dolazi do suza i djeca počinju plakati zajedno sa učiteljicom Alisom Bačić.

Roditelji nervozni, žure na posao, predlažu da se djeca odvezu sa privatnim automobilima samo da krenu, **JER TO IM JE PRVI IZLET**. Učiteljice II2 i II4 Meldina Burgić Subašić i Nermina Avdić mirno posmatraju i smješkuju se odbijajući i dalje da uđu u autobus sa našom djecom tražeći za sebe i svoju djecu poseban autobus, samo za njih dvije.

Zamjenik direktorice kao predstavnik škole nije uspio svojim koleginicama na kraju krajeva radnicama Meldini Burgić Subašić i Nermini Avdić da „naredi/naloži“ da izvrše zadati zadatak i uđu u autobus sa učenicima nego nakon sat i pol vremena uspjeva učiteljicu iz područne škole Bokavići na silu smjestiti u autobus sa našom djecom.



Ne može nam niko ništa 😊



Djeca sa svojom učiteljicom Alisom Bačić odlaze na izlet da gledaju predstavu nakon scene od 90 minuta, sa učiteljicom II5, Alisom Bačić koja je cijelo vrijeme bila odsutna, povrijeđena i uplakana.

Poštovani Ministre, pitamo Vas da li su bili sposobni realizovati planiranu aktivnost? Cijeli događaj se dešava na ulici, na Trgu Bremena pred 100 i više roditelja, **djeca omalovažena, etiketirana, diskriminirana kao da imaju šugu, zarazu, virus** pa učenici II2 i II4 i njihove „učiteljice“ ne mogu sjediti skupa u autobusu.

Ista ta djeca su drugarice i drugovi koji se svakodnevno družu u vrtiću, zajedno idu na ručak, igraju se ispred zgrade što je pokazatelj da su učiteljice Meldina Burgić Subašić i Nermina Avdić previše dale sebi za pravo, da ne poštuju prije svega kodeks ponašanja, profesiju koju zastupaju, ustanovu u kojoj rade, menadžment OŠ Lukavac Grad i cijeli obrazovni sistem kojeg Vi predstavljate. Kao tačka na I, iste učiteljice se fotografišu i postavljaju fotografiju na društvenoj mrežu sa komentarom **NE MOŽE NAM NIKO NIŠTA**.

Kada smo se obratili menadžmentu škole, istog dana u petak, 12.05, posjetili smo direktoricu Almu Avdić da nam objasni situaciju, koja u tom trenutku govori da je zauzeta zbog posjete Inspekcije pa sa nama razgovara zamjenik direktorice Nedim Osmanović kao očevidac događaja.

Tražimo obrazloženje, zahtevamo roditeljski sastanak u ponedjeljak 15.5. i sankcije za učiteljice. On nam se izvinjava i daje obećanje da će odreagovati nakon što se saslušaju učiteljice po povratku sa izleta, zatražiti sankcije i potvrđuje da imamo pravo tražiti roditeljski sastanak jer nam to i Zakon dozvoljava, da nas razumije i da ćemo sve riješiti na sastanku.

Međutim, u ponedjeljak 15.5.2017. godine, direktorica Alma Avdić roditeljima saopštava da mi nemamo pravo tražiti roditeljski sastanak i obrazloženje, već treba da podnesemo Izjavu na protokol pa će ista biti razmotrena i donesena Odluka da li će se sa roditeljima održati sastanak i da li će učiteljice kao uposlenice OŠ Lukavac Grad biti sankcionisane.

Također, navode da oni rade do 15 sati i da je nemoguće tražiti sastanak u 16:30 sati. Oni zaboravljaju da su prije 3 mjeseca molili iste ove roditelje da im daju novčanu pomoć da opreme školski WC (u koji normalan, zdrav i odrastao čovjek ne može ući a kamoli 7- godišnjaci) **organizovali sastanak u 18 sati** na koji smo se uredno, mi roditelji odazvali. Da li je Ministre legitimno da roditelji plaćaju opremanje školskog WC-a?

U razgovoru, Nedim Osmanović, zamjenik direktorice pokušao je odgovornost prebaciti na agenciju Elketurs Lukavac uz riječi da su promijenili spiskove. (op.a. Ja, kao predstavnica roditelja sam kontaktirala agenciju i odgovorili su mi kako nisu dobili spiskove već samo zahtjev za autobuse i da su spremni ovo potvrditi bilo gdje.)

Ovo znači da je zamjenik direktorice slagao roditelje, kako bi krio svoju **neorganizovanost** tj. menadžment ove škole nije bio sposoban ugovariti i organizovati izlet onako kako je znao (a očigledno da je loše znao).

Poštovani Ministre, mi djecu šaljemo u školu a ne u agenciju, i školi smo dali roditeljsku saglasnost i od škole tražimo obrazloženje a ne od agencije. Naša djeca u školu idu kako bi nešto naučila, a ne da gledaju i uče da su drugačiji od ostalih – u 21. stoljeću.

Gospodine ministre, Zlatane Muratoviću, obraćamo se Vama obzirom da menadžment OŠ Lukavac Grad ne zna ili ne želi da primjeni potrebne mjere/aktivnosti za ovakvo ponašanje i da sukladno zakonu, pravilniku, procedurama, kodeksu ili čime već sankcionišete ovakvo nedopustivo ponašanje direktorice, zamjenika direktora i učiteljica.

Smatramo da shodno svom djelovanju svako treba da snosi konsekvence.

Radi se o obrazovnoj instituciji u kojoj rade visoko obrazovane osobe – PEDAGOZI, koja je bila uzor svim školama na području Općine Lukavac a sada se pretvara u „predmet“ ismijavanja ili što je još žalosnije, prepucavanja, omalovažavanja, diskriminacije a što je nedopustivo.

Ova škola u posljednjih nekoliko godina je poznata po skandalima od strane rukovodstva i direktorice Alme Avdić. Potrebno je na internetu ukucati riječ OŠ Lukavac Grad, Alma Avdić i sve će Vam se pokazati.

Još jednom Vas ljubazno molimo i od Vas očekujem pomoć da vratite ugled OŠ Lukavac Grad i spasite našu djecu od daljnjeg maltretiranja.

S poštovanjem!

Dostavljeno:

- Rukovodstvu OŠ Lukavac Grad, direktorici Almi Avdić
- Ministarstvu obrazovanja, nauke, kulture i sporta TK, ministru Zlatanu Muratoviću
- Načelniku Općine Lukavac, Edinu Deliću
- Medijima
- Roditeljima odjeljenja II-5 OŠ Lukavac Grad

Laković Adisa
Mijatović Seidina
Delmimović Mirvada
Osmanović Sabina
Kavranović Karlimax.
Jovanović Mijatović dragoljuba
Hlić Janina
Jama Hatira
Ademović Mersika

Kunović Bril
Predstavnik roditelja Amra Brkić dipl.oec i roditelji
Amra Brkić Munković
Urošević
Emina Basimović
Vesna Turković
Cosiri
Ademović Mersika
Bajrić Mersika
Damir Gottić
KEMAL SUBIĆ



Lukavac

OŠ Lukavac grad

583



31.862

35